

编者按

7月4日,“浊漳清酿、古韵悠长”长治白酒区域文化品牌宣介会在长治滨湖文旅服务中心举行。长治,与天为党,五谷金黄,佳品众多。其中,产于长治地区的清香型白酒,有着6000多年酿造史、1500多年蒸馏史、300多年成名史,与汾阳的汾酒一道,成为中国酒业的根祖和主流,形成了“南路北汾”的山西酒产业地标。古往今来,诸多文人雅士吟咏长治白酒,颂扬浊漳清酿,为长治白酒注入了深厚的文化底蕴。深入推广长治白酒文化,领略先贤今人对浊漳清酿的妙笔着墨,必将为推动长治白酒产业高质量发展,全力打造“浊漳清酿、古韵悠长”长治白酒区域文化品牌注入更加持久深沉的文化力量。

浊漳清酿 古韵悠长

——长治白酒赋

冯波

太行莽莽,潞水泱泱,天下之脊,五谷金黄。浊漳清酿兮曰酒,古韵悠长兮为浆。渊肇五帝,源流绵长,春烧夏煮,秋窖冬藏。天工造物,经苍茫岁月,历悠悠荣昌;人间佳酿,漫浊漳太行,醉都市村庄。

夫太行者,与天为党,神话故里,康养之乡。上古洪荒,丛林榛莽,浊漳绵延,浩浩汤汤。百花成果,五谷飘香,坠注澧泉,发酵成香。神农稼穡,教众啜尝,酣畅淋漓,琼浆尽享。酒之源矣,浩浩浊漳,天精地华,自然造酱;酒之祖矣,上党高粱,天下酒母,皆出此方。始祖神农,导物理之通妙;上党先民,研曲药之微芒。采山珍野果,收五谷禾粮,泉清器净,碾磨蒸煮,弃糟留醇,坛封瓮藏。以为气冽味甘,氤氲岁长,雾霭流岚,丹霞紫方,一腔心血系,一坛酒入缸。如是,生千年老窖,呈百年陈酿。

酒沃上党,美名传扬。佳酿曰潞,千

年绝唱,小槽珠红,碧艳浓香;微子清名,凤泉甘醇,唐宫玉液,贵妃梦长;黎侯之宴,情宴万家,天下黎民,皆以祈愿;晋道之源,道法自然,酒壶山下,归处心安;诗曰鹿鸣,食野之苹,奉我玉液,也教吹笙;羿射九日,誓救苍生,今蒸羿神,酣醉群峰;太行山酒,一腔豪气,壮我军民,志与天齐。看今日长治,为康养福地,一盞浊漳酿,万古豪情翔。酿造多方,奇香异醪不可胜数;智高技卓,大师巨擘虎卧龙藏。巍巍乎太行酒乡,涓涓哉玉液琼浆。


酒香如是,意欲何如?尝有人言,醉卧花前,醒倚长剑,寥寥江湖情,悠悠天地间。快意恩仇,儿女情长,酒德如斯,岂无悲夫?看我太行,酒为烈火,酒为荣光。念精卫之志兮豪迈,品后羿之伟兮无我,兴稼穡之教兮救民,承尧王之德兮长子,崇微子之贤兮清风,尊黎侯之仁兮万疆。浩浩先贤,皆为天下苍生;悠悠酒

香,浸润人文之光。又酒之豪迈,见冯亭驱虎吞狼,长平鼓角铮鸣,石勒独擎后赵,慕容西燕悲风,襄子筑城曰垣,三垂岗上无影。天之涯,山之上,一壶太行酒,尽煮天下;一腔英雄气,驰骋纵横。君且看,赤狄发于漳水,生性好饮,终为晋灭;明皇别驾潞州,大宴父老,龙兴盛唐;宋时商贾初兴,潞酒兴盛,美名远淌;明清潞商崛起,浊漳清酿,跨海越洋。千年一醉,豪杰浮生,大丈夫耳,万古留名。

酒香诗意,诗酒同航。此方巍峨,子瞻百饮曰:上党从来天下脊;此间雄伟,孟德醉言谓:北上太行山,艰哉何巍巍!此间华采,明皇初创梨园教坊,椰子落子妙音悠长。长古鬼才,命运多舛,尝潞酒而赞曰:琉璃钟,琥珀浓,小槽酒滴真珠红;孟阳性空,参天悟理,字留潞州曰:浊漳冰下水冷冷,雪满貂裘酒易醒。元美多才,按察山西,诗云:潞州城中酒价高;帝师子端,乡情可思,岂闻:潞州浊酒琥

珀色。草亭博古,亦云:未为潞安客,先忆潞安酒;建威将军,更喜:此邦多美酒,一醉解愁颜。浩瀚诗海,皆为畅饮豪客;水墨丹青,尽留慷慨之笔。承此脉也,半觞清酿,书尽家国天下,山药蛋派,气昂神扬;一腔热血,敢书民族绝唱,抗日烽火,中华脊梁。举杯邀明月,听我上党腔。长子鼓书,武乡琴书,书不尽畅饮家乡酒,精忠报国情,襄垣秧歌、屯留道情,唱不完仗剑走天涯,诗酒趁年华。浊漳清酿,唇齿留香,文人骚客痛饮,敢写北国奇章。

酒生太行,其道大光。语云:“清醴之美,始于耒耜”,酒兮同饮,物兮民康。今长治,古上党,康养福地,政德昭彰,天人和諧,福祉绵长。留万古清香兮为琼浆,道法自然,再开新局;取天脊之水分成佳酿,生民为本,真水无香。举太行以为樽,酿浊漳以作酒,祈我父老百姓福泰安康,愿我四海嘉宾举杯共襄!



对酒

【宋】苏舜钦

侍官得来太行颠,太行美酒清如天。
长歌忽发泪迸落,一饮一斗心浩然。
嗟乎吾道不如酒,平臆哀乐如摧朽。
读书百车人不知,地下刘伶吾与归。

送王申言秘校潞州法曹

【宋】冯山

上党缘青冥,劲气西北隅,
黄河天际来,草木冬前枯。
其地号严冽,燕陇莫与俱。
毡罽护性命,冰霜结眉须,
土人一犯寒,斗酒沃始苏。
中州宦游士,未秋先嗟呼。

长子县与同年彭绣衣会宿而别
悠然怀思

【明】于谦

绣衣使者旧同年,文采声华众所传。
出宪远巡三晋地,行囊不贮一文钱。
衔杯彼此俱成醉,上马东西各举鞭。
明日五攒山下路,不堪回首思茫然。

谢晋王存问

【明】王世贞

忆初赐谒铜鞮官,玉壶长倾琥珀红。
已夸相如赋梁雪,复遣季札论唐风。
寸丹永隔天汉外,尺素忽飞江海东。
总饶缟纈敢言赠,欲报琼瑶无与同。

小除日漫堂燕集诗

【清】陈琰

唐花破蓓蕾,晋酒泛琥珀。(时饮汾酒、潞酒)
堂悬文会图,坐对古裙屐。
西园俨未散,南皮亦咫尺。
笑语若可呼,赌茗或斗弈。

酿酒
工
藝



制曲



窖藏



灌装

老趣

【清】傅山

老趣深自领,弱丧将还乡。
天地既逸我,岂得反自忙。
言语道断绝,寤寐束吾装。
早起闻霜肃,磔磔明南冈。
素雪笼红树,奇艳兹秋光。
好语懒一裁,茹之时复忘。
即此省心法,不药服食方。
潞州红酒来,聊复进一觞。
愤愤待其至,负赘日已长。

雨中集田沛苍学士宅和白东谷先生

【清】陈廷敬

琉璃厂西急雨飞,驱车到门雨细微。
绿窗隔帘寒沍沍,红烛卷帘烟霏霏。
潞州浊酒琥珀色,藐姑群公冰雪肌。
夜深沾醉此何适,得归射猎开荆扉。

夏日即事

【清】张英


虚堂谢客客容支,旧架除藤为种花。
小瓮酺红倾潞酒,半瓯香碧试闽茶。

莫亚夫先生赠我临帖二册,皆山阴父子书也,用笔特妙几欲乱真,敬报长句

【清】吴雯

亚夫先生笔墨殊,贻我临册今所无。
山阴父子有毅率,只手双攫金仆姑。
……
朝夕过从命饮食,雕盘罗列笋与蒲。
江南橘剖黄玛瑙,潞州酒滴红真珠。
泉鲈脍鲤无不有,折项真见鹅鸭俱。
温言奖勉意良厚,凭几含醅兴未孤。
酣畅不觉发清辨,口道尧夫经世书。
先天后天在指掌,太极无极非画图。
……

摄影 / 张国平
版式 / 宋春妮



封窖

起窖

入窖